

❖

ნელა მივდივარ, გული მკვდარია
და სულში ისევ გამეფდა სევდა.
ნელა მივდივარ და მიხარია,
ვარსკვლავებიან ზეცას რომ ვხედავ.

იქ ალბათ ვილაც ღონდება მწარედ,
უფრო შორს მიდის ეს დაფიქრება.
ალბათ ამაღამ ეს თეთრი მთვარე
გათენებამდე ცაზე იქნება.

დიდი ხანია ის ქალი მოკვდა,
ახლა გაისმის დედის გოდება.
მე რაღაც შავი მომიახლოვდა
და მთვარე ვარსკვლავს უახლოვდება.

ნელა მივდივარ, გული მკვდარია
და სულში ისევ გამეფდა სევდა.
ნელა მივდივარ და მიხარია,
ვარსკვლავებიან ზეცას რომ ვხედავ.